



www.BibleForChildren.org

Juan 14



<<Ama lakikuyaysu. Tayta Diosmanpis y noqamanpis
yarakayämuy. Taytäpa wayinchöqa askami cuartukuna
kaykan. Sayno mana kaptinqa manami <qamkunapaq
cuartu kamarikuq aywashaq> nïmansu karqan.
Kamariskamurnami qamkunata pushanäpaq kutimushaq.
Saynöpami noqa
kashqä kaqcho
qamkunapis
kayanki.>>



Noqaqa Jesucristuman yäraquq mayiki Juanmi
kaykä. Qamkunanölämi Jesucristo
mandaykashqancho kaykä.

Nakasiyëshushqaykinölämi
noqatapis



Jesucristuman
yärakushqäpita
nakasiyäman.



Qamkunanölämi mana ajayaypa shuyakuykä paypa
nawpanman chänäpaq. Tayta Diospa
wilakuyninta wilakushqäpita y


Jesucristo salvamaqninsi
kashqanta




wilakushqäpitami
Patmos islacho
präsu kaykä.



Jinan hörami Espíritu Santu rikasimarqan jana pasacho kaykaq trönuta. Say trönuchömi juk jamaraykarqan.




Saynöpis wiyarqä jana pasacho kaykaqkuna, kay pasacho kaykaqkuna, pasa rurincho kaykaqkuna, lamar rurincho kaykaqkuna y lapanpis Tayta Dios kamashqan kaqkuna alabar kayno nikäyaqta: <<¡Trönucho jamaraykaq Tayta Dios y nawpancho kaykaq Carnish imayyaqpis alabash kaykuläsun!>>




Saynölami [noqa Juan] rikarqä mushuq Jerusalén
sagrädu markatapis Tayta Diospa nawpanpita
uraykämuqta. Say markami casarananpaq mushuq
mödanan jatish jipashno kuyaylapaq kaykarqan.
Say hörämi wiyarqä Tayta Diospa trönunpita sinchipa
nimuqta:


<<¡Kananqa
runakuna
kaqchönami
Tayta Dios tanqa!
Paykunami
kuyashqan runakuna
kayanqa. Kikin Tayta
Diosmi paykunawan
kanqa.>>



Saypitanami ángel rikasimarqan imayyaqpis kawasikuq y kuyaylapaq cristal vidriuno chipipiykaq [chuya] mayuta. Say mayu yarqaykämurqan Tayta Dios y Jesucristo jamaraykashqan trönun chakinpitami.



Kikin Tayta Dios y Carnish asikyapaptinmi intipis ni killapis kanqanasu.



Sayman manami yaykuyanqasu jusasapakuna,
lutanta ruraqkuna ni lulakuqkunapis.


Sayman yaykuyanqa Libru de
la Vidacho jutinkuna
qelqaraykaqkunalami.
Say libruqa Carnishpa
librunmi kaykan.




<<Paykunata shoqashpanmi
weqinkunatapis pisapanqa.
Wanuypis, waqaypis, lakikuypis
y nakaykunapis manami kanqanasu.
Saykunaqa lapanmi ushakanqa>>.




Kay pasata Tayta Dios maldicionash karpis say
markataqa mananami maldicionanqanasu. Saychöqa
Tayta Diospa y Carnishpa trönunmi kaykanqa.
Sirviqninkunanami Diosta adorayanqa. Saychömi Tayta
Diospa qaqlanta
rikayanqa.
Urkunkunachömi
Tayta Diospa
jutinpis
qelqaranqa.



Saynöpis rikarqä lapan wanuq runakuna, yachaqpis mana yachaqpis, Tayta Diospa puntancho ichiraykäyaqta. Saypitanami librukunata kichar Libru de la Vidatapis Tayta Dios kicharqan. Say librukunata rikaykurmi alita o mana alitapis rurayashqanman tupu runakunata juzgarqan. Saymanmi Libru de la Vidacho jutinkuna mana qelqaraq kaq runakunatapis qaykurirqan.



Santu Espiritupis y Jesucristuwan majasakänanpaq jipashpis <<jukla shamuyña, Taytay!>> nikäyanmi. Kay librucho qelqaraykaqkunata wiyaqkunapis <<shakamuyña, Taytay>> niyäsun. Yakunaqkunaqa shayämusun. Imayyaqpis kawasikuq yakuta dembaldila upuyäsun.



Runakunata kuyashpanmi juklayla
Surinta Tayta Dios kachamurqan.
Saymi pipis payman yärakuq kaqqa
ushakanqasu, saypa trukanaq mana
ushakaq kawayta tarinqa.



Romanos 3:23 Lapan runakuna jusayuq karmi Tayta Diospa nawpanman chayta kamäpakuyansu.

Romanos 6:23 Jusalikuyqa wanuymanni apamansi. Señorinisi Jesucristo noqansi rayku wanush kaptinmi Tayta Dios dembaldila salvamansi nawpancho imayyaqqis kawanansipaq.

Hebreos 9:27 Saynölami lapan runakunapis juk kutila wanuyan y saypitaqa juzgashnami kayanqa.

Efesios 2:8,9 Tayta Dios kuyapäkuq karmi Jesucristuman yärakush salvacionta qaramashkansi. Manami kikinshipitasu ni alita rurashqansipitasu salvacionta tarishkansi, sinöqa Tayta Diospitami. Saymi pipis alabakur ninqasu: <<Alikunata rurashqäpitami Tayta Dios salvamash>>.



Romanos 10:9,10 Jesucristo ämuyki kashqanta nirqa y wanushqanpita Tayta Dios kawarisimushqanta lapan shonquykikunawan criyirqa salvashqami kayanki.

Lapan shonquykiwan criyiyaptikiqa Tayta Dios perdonayäshunkimi. <<Señor Jesucristuqa äümümi kaykan>> niyaptikiqa Tayta Dios salvayäshunkimi.

Juan 3:16,17 Runakunata kuyashpanmi juklayla Surinta Tayta Dios kachamurqan. Saymi pipis payman yärakuq kaqqa ushakanqasu, saypa trukanqa mana ushakaq kawayta taringa. Manami runakunata infiernuman qaykunanpaqsu Tayta Dios Surinta kachamurqan, saypa trukanqa payman yärakuyaptin salvananpaqmi.



1 Juan 5:11-13 Mana ushakaq kawayta qomashqansitami Tayta Dios tantiyasimashkansi. Say kawaytaqa tarinsi Surin Jesucristuta chaskikurmi. Tayta Diospa Surinta chaskikuq kaqqa mana ushakaq kawaytami tarin. Mana chaskikuq kaqmi isanqa say kawayta tarinqasu. Tayta Diospa Surinman yarakuyaptikimi kay cartata apaykäsümü mana ushakaq kawayta tariyashqaykita musyayänaykipaq.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Quechua Huamalíes-Dos de Mayo Huánuco Bible (qvh) ©
2003, Wycliffe Bible Translators, Inc. All rights reserved.

<https://www.bible.com/bible/670/2CO.5.QVHB>

©2025 Bible for Children, Inc.

www.M1914.org

www.bibleforchildren.org

